


天原發微辨正 三上



		九	漢
		六	書
		三	門
一	〇	二	
〇	九	三	
冊	架	函	類

庫文閣内			
三〇		九	漢
五		六	書
函		三	
二	一〇	三	
架	冊	號	類

内閣文庫	
番號	漢 8623
冊數	10 ( 5 )
函號	305 254



天原發微卷之三上

少陽

淺草文庫

星家繁難不勝其說星者元氣之英也邵  
子曰少陽爲星張靈憲曰中外之官常明  
者百二十有四可名者三百二十爲星者  
二千五百微星之數萬有一千五百二十  
羅君裳與予言星家愛啞人使人不知頭  
緒欲識萬象之森羅不出五行之指訣自  
太極判而爲陰陽陰陽播而爲五行五星

者五行之精也日月五星是爲七政散在  
四方方有七宿合中央之北斗言之則有  
五七三十五名皆不離乎五行也故班固  
曰太極運三辰五星於上元氣轉三統五  
行於下人皇位三德五事於中分爲三才  
孰有外於五行者歐陽子曰堯命羲和考  
中星以正四時爲道猶簡降及後世其法  
漸密必積衆人之智然後能極其精微三  
代中間遺文曠廢六經無所述天人之事

難言矣今所存者惟以五行爲主非敢以  
星翁曆史爲比也

寧按班固所云太極指  
氣而言辨見太極篇摠

論

邵子曰五星之說自甘公石公始也

五星之說古未有聞虞書但曰撫于五辰  
而已至甘石則盡露矣石申魏人著星經  
甘德亦同時星有三色所以別三家之異  
出於石者赤出於甘者黑出於巫咸者黃  
紫宮中外諸星亦出三家總數三百八十

三名積數七百八十三星其施於渾象者  
惟天極北斗二十八舍爲占候之要其餘  
載者所以備上象之全體而已

張子曰五緯五行之精也

班曰五星東行天西轉常星爲經五星爲  
緯交相經緯以成天文也五行精氣其成  
形在地則結爲木火土金水其成象在天  
則木合歲星居東火合熒惑居南金合太  
白居西水合辰星居北土合鎮星居中央

在人則木之神曰仁屬貌火之神曰禮屬  
視金之神曰義屬言水之神曰智屬聽土  
之神曰信屬乎思與心分旺四時則春木  
夏火秋金冬水各旺七十二日土旺四季  
辰戌丑未之月各十八日合之爲三百六  
十其爲色也則木青火赤金白水黑土黃  
其爲分野各有歸更旺相休廢其色不同  
王則光芒相則內實休則光芒無角不動  
搖廢則光少色白圜者喪赤圜者兵青圜

者夏水黑圜者疾多死黃圜吉白角者哭  
泣之聲赤角者犯我城黑角者水行窮兵  
太史公曰五星同色天下偃兵百姓安寧  
五穀蕃昌春風秋雨冬寒夏暑則不食朔  
月不食望是為有道之國必有聖人在乎  
其位也

寧按周書洪範九疇一五行曰水曰火  
曰木曰金曰土二五事曰貌曰言曰視  
曰聽曰思五行以生之序言五事以人

事發見先後言蔡氏傳謂貌澤水也言  
揚火也視散木也聽收金也思通土也  
五行五事各依次序釋之此章言五緯  
為五行之精魯齋取班氏說以木屬貌  
火屬視金屬言水屬聽土屬思較之洪  
範一同而四異蓋班氏五行曰木曰火  
曰金曰水即四時所行之序而土則寄  
王四季竊詳其意木以生發條達言故  
屬貌火之明在外故屬視金有聲故屬

言水之明在內故屬聽土居中故為四者之主而屬思二者文義皆可通各隨人所見而立言要之當以洪範為主而班氏所論姑備一說云

### 歲星

木性柔直史氏謂其主司天下人君之過主歲五穀分四七宿為十二次一歲行一次太歲在子午卯酉四仲則歲行三宿太歲在寅申巳亥四孟及辰戌丑未四季則歲行二宿二八十六三四

十二而行二十八宿歲星十二歲一周天為一紀太歲為陰左行在寅歲星為陽右轉在丑太歲在卯則歲星居子在辰則歲星居亥之類又為太歲在寅則歲星正月晨出東方在卯則二月晨出東方以此而推餘皆可見歲星所在其國有福失次則所衝之地有禍過次者殃大過舍者殃小不過則無咎張曰木乃歲一盛衰辰者日月一交之次有歲之象也

熒惑

火性激烈主執法常以十月入太微受制  
出行列宿司無道出入無常二歲一周天  
張曰火者陰質為陽萃焉然其氣比日微故  
其遲倍日蓋火星自有入無自無入有受  
天地變化  
之氣為之  
**鎮星**  
土性重厚戊己居季夏  
四時之中如人有心四  
肢百骸無不統故四星皆失鎮星為動一  
曰女主象又曰天子之星天子失信鎮星大  
動常以甲辰元始建斗之歲鎮行一宿二十

八歲一周天所居之次殊以其國德厚張  
曰鎮星其行最緩  
亦不純係乎地  
**太白**  
金性堅剛主司  
兵陰星也出東

當伏東出西當伏西班曰常以正月甲寅  
與熒惑出東方二百四十日而入四十日  
又出東方出以寅戌入以丑未  
大率一歲一周天僅與日月同  
**辰星**  
性水  
平淡主刑法之得失是正四時常以春分  
見奎婁夏至見東井秋分見角元冬至見

牽牛出辰戌入丑未晨候之東方夕候之  
西方一時不出一時不和四時不出天下  
大飢亦一歲一周天或曰水星爲辰星時  
有十二辰月有十二會散在天地閒無往  
而不爲潤澤出非其時寒暑失節故爲太  
一之象蓋水火二星相須火或有或無水  
或盈或涸皆得天地變化之氣

張子曰金水附日前後進退而行者其理精  
深存乎物感可知矣

星經曰太白辰星附日而行速則先日遲  
則後日速而先日昏見西方遲而後日晨  
見東方詩疏云日未出前能開導日之明  
故謂明星爲啓明日既入後有明言能長  
續日之明故謂明星爲長庚韓詩外傳又  
曰太白晨見東方爲啓明昏見西方爲長  
庚意者金水平分二星亦可互言孫炎曰  
明星太白也晨出東方高三舍今曰明星  
昏出西方高三舍今曰太白然則啓明是



太白矣長庚不知是何星或一星出東西  
有異名或二者別星未能審也朱子斷之  
曰長庚水星啓明金星金在日西日將出  
則東見水在日東日將沒則西見斯言盡  
矣張平子曰攝提熒惑見晨附于日太白  
辰星見昏附于月當別攷

程子曰天地真元之氣湊合在曆數中則日  
月如合璧五星如連珠所以生聖人也  
曆推上古渾元之初歲名焉逢甲攝提格

寅甲子朔旦夜半冬至日月五星皆合在  
子故有合璧連珠之瑞以應顯帝建曆之  
元也又漢元年十月五星聚于東井爲高  
帝受命之符又宋乾德五年三月五星如  
連珠分在降婁爲天下文明之象程子所  
謂天地真元之氣非游氣所能雜故能湊  
合以生聖人又如堯舜禹湯文武周孔亦  
是如此今姑舉三者以驗造化之符耳他  
不暇悉也予嘗攷之武帝改元而曰太初

者慕顯帝改元以合其瑞耳非武帝時實  
有其象也東坡蘇氏曰金水常附日不遠  
十月日在箕尾此所以疑其妄以余攷之  
秦以十月爲正十月乃今之八月而得七  
月節則日猶在軫翼間金水聚於井亦不  
甚遠坡說亦本於漢註耳五星聚奎又在  
魯分自是天下始太平見竇儀之言東山曰後  
歲會篇力主不改月之說與此自相矛盾  
此云秦以十月爲正乃今之八月又先儒  
未嘗言也

朱子曰緯星陰中之陽經星陽中之陰五星  
皆地上木火土金水之氣上結而成却受日  
光

經星是陽氣之餘凝結者閃爍開合其光  
不定緯星有芒角其本體之光亦自不動  
皆受日之光也朱子曰經星晝夜左旋一  
周而有餘天有十二次今織女星在漢旁  
終日七襄者自卯至酉當更七次爾雅注  
曰五星皆右行於天二十八宿則著天體

不動故爲經星五星爲緯若織之經緯然  
五緯惟辰星難見而血之流行於肌肉之  
閒者至幽也辰星屬坎爲水善隱伏沅濟  
沱潛之水潛行千餘里而後見營室天子  
宮皆中宮經星緯星動爲陽而太白辰星  
爲陰經星不動爲陰而析木鶉首爲陽  
邵子曰陰中之陽星也星之至微如塵沙者  
隕爲堆阜又曰星隕地爲石  
星陽之餘五星如人五臟諸星如人四肢

百骸精血神守精存則麗其職而宣其明  
神歇精斁則如人之有死是以星隕則石  
朱漢上曰精斁氣歇坎極離見乃有隕星  
其光燭地離也隕爲石爲堆阜塵沙者良  
也光耀旣散氣凝爲石亦猶人之體魄降  
于地也

日月五星俱起牽牛之初

即漢太初曆十一月朔旦冬至也漢劉氏  
曰指牽牛之初以紀日月故曰星紀五星

起牽牛初日月起其中凡十二次且至其  
初爲節至其中斗建下爲十二辰視其建  
而知其次漢宋衷曰冬至日起牛宿一度  
斗建子位杜預曰十二次從星紀起而右  
旋爾雅曰星紀起斗斗牽牛也郭注曰牽  
牛斗者日月五星之所終始也傳不曰冬  
至曰日南至蓋謂日自鶉尾而來至牽牛  
也日中景最長以此知其南至斗綱之端  
連貫營室織女之紀逸周書曰維十有一

月既南至昏昴畢月踐長微星動于黃泉  
是月也斗建子始昏指北日月俱起牽牛  
右迴而行月周天起一次而與日會日行  
月一次而周天曆會于十有二辰終則有  
始是謂日月權輿愚謂造化淵微非合數  
說不足以明之

星經難曰視蓋橈與車輻近杠轂則密益遠  
益疎今北極爲天杠轂二十八宿爲天橈輻  
今疎密不同何也

撩輻者取周禮斡人蓋弓二十八以象星  
輪輻以象日月日與月會一月一周天又  
行一辰遂及日而合宿天圓如兩蓋相合  
南北極猶兩蓋杠轂二十八宿猶蓋之弓  
撩赤道橫絡天腹如兩蓋相交處赤道北  
爲內郭如上覆蓋赤道南爲外郭如下仰  
蓋赤道正在天中如合縫處黃道橫過是  
在那赤道之間故列弓撩之數近兩轂則  
狹漸遠漸闊亦猶列舍之度近兩極則狹

漸遠漸闊至赤道則極闊也圓圖近南星  
度當漸狹則反闊橫圖去兩極皆闊失天  
形矣今放天形爲覆仰兩圓圖以圖心爲  
極赤道以北爲北極內宮星圖赤道以南  
爲南極外宮星圖兩圖相合全體渾象則  
得星度闊狹之勢占候不失北極曰上規  
南極曰下規赤道橫絡者曰中規中規闊  
上下兩極處極狹也歐子曰蓋天則南度  
漸狹渾天則北極濶高二說當闕疑可也

周禮星土辨九州封域皆有分星

分星禮經所載不可磨也其說有三伶州  
鳩曰歲星所在則我之分野古堪輿書亡  
後郡國所入非古歲星或北或西與古受  
封所在不同一也唐虞及夏萬國殷周千  
七百七十三國並依附十二邦以係十二  
次之星法先王命親之意以主祀爲重如  
封闕伯商丘主辰爲商星商人是因封實  
沈大夏主參爲夏星唐人是因唐後爲晉

參爲晉星二也今以分野次舍攷之青州  
在東玄枵在北雍在西鶉首在南以至揚  
東南星紀北箕東北大梁西徐東降婁西  
豫與三河居中大火在正東此躔次之最  
差者三也三說不同識者當自擇之  
傳曰五緯興周

國語曰武王伐商歲在鶉火月在天駟日  
在析木辰在斗初星在天鼃愚嘗攷之周  
之興也鶉火直軒轅之虛稷星係焉房與

歲星相經緯以屬靈威仰之神后稷感以  
生焉鶉首又當山河之右太王以興而后  
稷封焉及周師之出也日在箕十度則析  
木之津月在房四度則升陽之駟又三日  
得周正月庚寅朔日月會南斗一度則辰  
在斗柄也是時火星與周師俱進而水星  
伏于天黿所以告顓帝而終水行之運自  
天黿及析木歲星及鶉火又退行而旅於  
鶉首而後進及鳥帑所以反復其道以經

綸周室者豈人力哉宜其卜世三十歷年  
八百爲古今有道之長也星象昭昭詎不  
信乎後世欲以人力勝之烏乎可

春秋傳曰二十八宿分在四方方有七宿共  
成一象蟲獸在地有象在天東蒼龍西白虎  
皆南首北尾南朱雀北玄武皆西首東尾從  
角起而左旋

尔雅壽星角亢郭注數起於角列宿之長  
故曰壽星方有七宿者第斗至璧是謂星

武第奎至參是謂星虎第井至軫是謂星  
鳥第角至箕是謂星龍環列四方隨天西  
轉方有定星星無定居故隱見各有其時  
林氏曰鳥火虛昴皆分至之昏見於南方  
正午位之中星仲春之月七宿各居其方  
位故星火在東鳥在南昴在西虛在北日  
在昴入於酉地則初昏時鶉火見於南方  
正午之位當是時晝夜各五十刻是爲春  
分之氣至仲夏之月則鳥轉而西火轉而

南虛轉而東昴轉而北日在星入於辛地  
初昏之時大火房心見於南方正午之位  
當是時晝長夜短晝六十刻夜四十刻是  
爲夏至之氣至仲秋之月則火轉而西虛  
轉而南昴轉而東鳥轉而北日在心入於  
酉地初昏之時虛見於午當是時晝夜分  
亦各五十刻是爲秋分之氣至仲冬之月  
則虛轉而西昴轉而南鳥轉而東火轉而  
北日在虛入於申地初昏之時昴見於午



當是時晝短夜長晝四十刻夜六十刻是  
爲冬至之氣分至之氣既定則十二月之  
氣無不定矣星鳥以象言星火以次言虛  
昴以宿言互相備也愚謂天地四時之氣  
皆不外於中子午者二至之中亦天地之  
中卯酉者二分之中亦陰陽之中也以二  
十八宿之中星至於中而止聖人出而致  
中和以位天地者亦曰執中而已

七宿之星數

星龍之星三十二星武之星三十五星虎  
之星五十一星雀之星六十四合之而一  
百八十二星

七宿之度數

星龍之度七十五星武之度九十八四分  
度之一星虎之度八十星雀之度百十二  
合之而爲周天三百六十五度四分度之  
一一度二千九百三十三里分爲十二次  
七宿之分野

自斗十一度至婺女七一名須女曰星紀  
之次辰在丑謂之赤奮若律中黃鍾斗建  
子今吳越分 自婺女八度至危十六次  
玄枵一名天黿辰在子曰困敦律大呂斗  
建丑今齊分 自危十七度至奎四次豕  
韋一名娶訾辰在亥曰大淵獻律太簇斗  
建寅今衛分 奎五至胃六次降婁辰在  
戌曰闍茂律夾鍾斗卯今魯分 胃七至  
畢十一次大梁辰酉曰作噩律姑洗斗辰

趙分 畢十二至東井度十五次實沈辰  
申曰涿灘律中呂斗巳晉魏分 井十六  
至柳八次鶉首辰未曰協洽律蕤賓斗午  
秦分 柳九至張十七次鶉火辰午曰敦  
牂一名大律於律爲林鍾斗未周分 張  
十八至軫十一次鶉尾辰巳曰大荒落律  
夷則斗申楚分 軫十二至氏四次壽星  
辰在辰曰執徐律南呂斗酉韓分 氏五  
至尾九次大火辰卯曰單闕律無射斗戌

宋分 尾十至斗十二百三十五分而終析  
木辰寅曰攝提格律應鍾斗亥今燕分  
愚按司農鄭氏曰天有十二次日月之所  
躔地有十二分王侯之所國是以二十八  
宿分配十二辰與七政互行一左一右相  
為經緯所以兩其五行以成天地四時之  
造化

東宮蒼龍角為五帝坐庭元為宗廟氏為天  
根房為天府心為明堂尾為人子箕為敖客

靈憲曰蒼龍連蜷於左

左為青龍屬木居東又分為小象者七星  
家名角木為蛟元金為龍氏土為貉房日  
為兔心月為狐尾火為虎箕水為豹日月  
居中五星緯外析木會  
寅大火會卯壽星會辰

角


一星為天關

其間天門其

內天庭黃道經其中七曜之所行也龍左  
角為天田為理主刑右角為將主兵星明  
大王道泰賢在朝熒惑犯天田旱郊祀志

漢祖建

靈星祠



四星天子之內朝也為疏

廟主疾疫總攝天下奏事

聽訟理

獄錄功




氏四星王者之宿宮后妃

之府前二星適後二星妾

單子曰天根見而水涸介雅曰氏天根也

角元下係於氏若

房



四星為明堂

木之有根宋分

天子布政之

宮中閒為天衢七曜由其中則天下和平


亦為天駟天馬主車駕國語曰農祥晨正

日月底于天廟土乃脉發隋

三星

志曰五緯入房啓姬王肇迹

心



天王

正位也中星為明堂天子位為大辰主天

子賞罰前星為太子後星為庶子大火為

大辰火中寒暑乃退律書云心言萬物始

有華心唐志曰易雷承乾曰大壯房以象

馬心為乾精而房升陽之駟也房日月之

所在鈎命決曰歲星守心年穀豐洪範曰

重華者謂歲星在心歲星一名攝提一名

重華左傳心為火五月火始昏見詩三星

在尾九星上第一星后次三星夫

天尾人次星若后嬪妾第二傍一星

名曰神宮蒼龍之尾為九子色均明後宮

有序多子孫丙之辰龍尾伏辰左尾言萬

物死生

如尾書律箕府亦為龍尾為教客主

口舌亦曰天津主八風凡日月宿在箕東

壁北方翼軫上風起又曰天鷄又曰傳說

騎箕尾比於列星 晉志曰傳說一星在

尾後詩疏曰箕在南而斗在北故南箕北

斗 愚嘗以卦參之龍屬東方震震動重

陰之下龜吐氣蛇啓蟄出而善變化者龍

也卦直春分以後辰為蒼龍之次動則變

故龍以春分升而為雷出地奮之豫以秋

分降入為雷澤歸妹之象盛夏疾雷木拔

龍起震木位於卯也元曰龍雷同類玄之


中以次三為龍占家以甲乙寅卯為龍天

文角為蛟元為龍翼為蛇軫為蚓角元辰也翼軫巳也自春分至芒種震治也而辰巳為翼故曰氣之散也房為天駟又為蒼龍之次故馬亦曰龍馬志言五緯入房姬王肇迹者亦興王之嘉瑞也五馬一化為龍說亦本此其象曰天田曰農祥曰多子皆以應東方之春


西宮咸池亦曰白虎奎為溝瀆婁為聚眾胃為天倉昴為白衣會畢為邊兵觜觿為虎首參為

斬艾靈憲曰白虎猛據於右

右白虎屬金居西又分為小象者七星家名奎木為狼婁金為狗胃土為雉昴日為雞畢月為烏觜火為猴參水為猿日月居中五星緯外降婁會戌  
大梁會酉實沈會申  
之武庫一曰天豕亦曰封豕主兵禁暴又主溝瀆月令仲春日在奎季夏奎旦中



婁



三星為天獄主苑囿犧牲供給  
郊祀大亨多子孫明則天下和

平唐志日會在

胃




三星為天廚天倉  
五穀之府動則有

婁為大臣憂

輸運之事明則天下

昂




七星天之  
耳也主西

和平季春日在胃

方獄事又為旄頭胡星明則

畢



八星

天下牢獄平書日短星昂

曰罕

畢為邊兵主弋獵又主遠兵黃道所經天

子出旄頭罕畢以先驅此其義也正義云

箕畢尚婁之所好中央土氣為風東方木

氣為雨木克土為妃故箕星好風是尚妃

之所好也畢屬西方金氣為陰克東方之

木為妃故好雨而尚婁之所好又申寅兩

相冲破申來逆寅寅被逆故為颯風寅來

破申申被逆

觜



三星為虎首為三軍


故為暴雨

之候行軍之藏府明

則軍儲盈將得勢月

今仲秋旦觜觿中

參



十星一曰參伐一曰大辰一曰天市一曰  
 鈇鉞主斬刈殺伐又為權衡所以平理又  
 主邊城參十星為白虎之體中三星橫列  
 者三將也下三星斜列曰伐天之都尉主  
 胡鮮卑戎狄之國故不欲明其外四星左  
 右肩膀也東北曰左肩主左將西北曰右  
 肩主右將東南曰左足主後將軍西南曰

右足主偏將軍故黃帝占曰參應七將七  
 將皆明天下兵精伐星明與參等大臣皆  
 謀起兵參為白虎三星有一者為衡西有  
 勾曲九星一曰天旗二曰天苑三曰九游  
 東有大星曰狼狼角變色多盜賊 愚以  
 易參之虎屬西方居兌兌金稟收斂肅殺  
 之氣有虎象焉履言履虎尾者內卦兌也  
 革言虎變者外卦兌也頤言虎視眈眈者  
 有伏兌也象言參為白虎者參申也參據



猛虎之首有斬刈殺伐之威東有大狼狼亦虎類也是以爲天之將星七宿中有取武庫天倉者亦以應擊斂之秋

南宮朱鳥井爲水事鬼爲祠事柳爲鳥主草木星爲鷄火主急事張爲素廚主觴客翼爲羽翻主遠客軫爲車主風靈憲曰朱雀奮翼於前

前爲朱雀屬火居南又分小象者七星家名井木爲犴鬼金爲羊柳土爲獐星日爲


馬張月爲鹿翼火爲蛇軫水爲蚓日月居

中五星緯外鷄尾會巳

八星天

鷄火會午鷄首會未

井



之亭候

主水衡事法令所取平也正義曰參旁之東有玉井故曰東井王用法平則井星明而端列東井京師分又曰熒惑犯東井旱


鬼



五星天目也主視明察奸謀

柳

明則五穀成又云主死喪



八星天之廚宰也主尚食知滋味又主雷雨朱鳥之口故曰鳥喙亦雅味

謂之柳味即喙亦作嚼左傳味為鶉火天官書為鳥喙主草木又季夏日在柳季秋

旦柳

星




七星一名天都主衣裳文綉又七星為頸張



六星為嗉素鳥受食處主珍寶宗廟所用天廚飲食賞賚之事明則王道昌漢志主觴客晉志朱張為鳥星故為羽

蟲

翼



二十二星天之樂府俳優主夷狄遠客負海之賓明

大則禮樂興動則四夷使來離

徙天子舉兵翼為羽翮主遠

軫



四星為車主車騎亦主載任有軍出入皆

占於軫又主冢宰輔臣亦曰鳥帑鳥尾又主風與巽同位又軫為首愚以易參之

離南方為飛鳥象朱雀也史言流火為鳥


又為日中之鳥午為鶉火之次未為鶉首

巳爲鷄尾其味在柳其翼在翼柳午也離也翼巳也巽也卜楚丘論明夷之謙曰當鳥即朱鳥也歸藏初巽曰有鳥將來而垂其翼翼爲鷄尾故稱飛鳥鷄雉之屬飛必附草嶺南孔雀之類也七星爲馬於辰爲午故馬爲火畜午爲火蠶爲馬首龍星之精故馬蠶同氣蟬鼈龜卵皆有黃離也七宿中有輿鬼天目七星主文綉皆以應於南方離明之象

北宮玄武南斗爲廟牽牛爲犧牲婺女爲天孫女虛爲哭泣之事危爲蓋屋營室爲清廟東壁爲文章史記前漢並缺靈憲曰靈龜圈首於後

後爲玄武屬水居北又分小象者七星家名斗木爲獬牛金爲牛女土爲蝠虛日爲鼠危月爲燕室火爲猪壁水爲猗日月居中五星緯外玄枵會子



斗





南斗六


星天廟


星紀會丑娵訾會亥

亦為壽之期又丞相太宰位主褒賞進賢  
稟授爵祿又主兵南二星天梁中二星天  
相北二星天府庭斗星盛明王道和平傳  
曰辰在斗柄  六星天之關梁主  
日月會南斗  犧牲事後志云七  
曜之起始於牽牛北三星河鼓河鼓亦名  
牽牛律書牽牛言陽氣行萬物出也博物  
志張騫乘槎窮河源嚴君平占客星  
犯牛斗又云太白犯牽牛將軍凶 **女**

 嫫女四星又曰須女主布帛裁製嫁  
媿須賤妾之稱婦職之卑者其北織

女天女 **虛**  主北方邑居廟堂祭祀  
祝禱事又主哭泣之事

又冢宰之官 **危**  三星主天府天市  
書宵中星虛 架屋危為玄枵耗

神也虛 **室**  營室二星天子之宮又  
亦耗神 為軍糧之府及土功事

星明國昌一曰玄宮一曰清廟室二星謂

之定定正也主土功

壁

二星主文章

事詩云定之方中

天下圖書之

秘府也詩疏云壁者室之外院箕在南則  
壁在室東故稱東壁星明王者昌道術明  
國多君子歲星守之五穀以水傷月今仲  
冬昏東壁中愚以易參之斗本北方為坎  
北宮龜形乃其本象又分為龜蛇兩物于  
寶以坎為狐虞翻以艮為狐天文以心為  
狐互發也運斗樞曰玉衡散而為鼠玉衡

斗星亦坎也牽牛在丑北星河鼓亦名牽  
牛言陽氣行而萬物出也須女四星賤織  
女三星貴妾與天女異分也天牢六星在  
斗魁下貴人之牢也貫索九星在招搖前  
庶人之牢也北七宿中多言宗廟禱祠者  
以北方幽陰鬼神之窟宅也言宮室女工  
以應冬候陰極陽生是以列宿皆起於牽  
牛之初

中宮天極五星勾陳六星皆在紫宮中最尊


者也靈憲曰黃神軒轅於中

天五居十干中為戌巳屬土應天極五星  
地六居十二支中為辰戌丑未屬土應勾  
陳六星在天為辰在地為土故張氏以黃  
神目之其曰五官五七三十五名者以北

斗七星為帝車

以斡旋造化也

### 天極五星



星家言四


帝俠黃帝中座者東帝靈威仰南帝赤熛  
怒西帝白招矩北帝叶光紀即月令木火

金水并中央土為五是也或謂天一而帝  
五何也曰此不過借主宰之名以言五行

之氣各有

攸統爾

### 鈞陳六星




六星土象  
坤數六也

口中一星曰天皇大帝主御群靈抱極樞  
四星曰四輔隋志曰在紫微宮中班固曰  
周以勾陳之位蓋土居五行中而四時之  
氣無不備勾陳居龍虎鶉龜中而四方毛  
羽甲鱗之虫無不統所以為中宮之衛歟

靈憲曰在朝象官在人象事

三台星



六星兩兩而起一曰天柱

三公之位在人曰三公在

天曰三台西近文昌二星曰上台為司命主  
壽次二星曰中台為司中主宗室東二星曰  
下台為司祿主兵又曰三台為天階太一  
躡以上下一曰泰階上階上星為天子下  
星女主中階上星為諸侯下星卿大夫下  
階上星為士下星庶人又曰上台司命為

太尉中台司中為司徒下台司祿為司空


三能台音色台音公君臣和不齊為乖戾三階平

陰陽和風雨時社稷神祇咸獲宜天下泰

平六符者六

星之符驗也

文昌星




集計天道史天官曰斗魁戴匡六星一上

將二次將三貴相司命司中司祿與三台

同


尚書五星



共治天下少微星。四星在太微士大夫之位。一曰處士或曰

博士官南第一星處士第二星議郎官士第三星大夫明大而黃賢才舉

十五星。在帝座東北一曰依烏郎府周官元士漢光祿中散



諫議郎是其職也。傳說一星。在箕尾後主章祝巫官也。


愚謂天上一星應在朝一官前星為太子

三台為三公文昌六星為尚書六部北斗為天喉舌尚書亦為王喉舌天有傳說星人有傳說相天有王良策馬人有王良善馭如此之類難以徧舉

文星

東壁。二星主天下文章圖書之府。星明王道行國多君子。五

星聚奎。見前五星。柱下史。連珠注。





極東一星主記  
過左右史之象


六甲



六星在華蓋  
旁分陰陽配

節候布

華蓋



五帝內座


華蓋下九星

晉志上九星

政教

杠蓋之柄所以覆

織女



三星天孫

帝座詩為章于天


也主果疏

絲帛珍寶嫁娶詩終日七襄坡云天孫為

織雲錦裳

武星

天將軍



軍南門

十二星在婁北主武中  
央大星天之大將也外

小星吏士也大將軍搖兵

郎將

一星在郎

起大將出小星不具兵發

位北為

騎官



騎陣

二十七星在氏

南為天子虎賁

主宿

虎賁

一星在太微北

羽林星


衛

旄頭之騎士也

四十五星在營


室南一曰天軍

壘壁星




十二星在羽林北羽林之垣壁也三軍位為營室

參旗



九星在參西一曰天旗一曰


九斿



天弓主司弩弓之張候變

西南九星

左旗右旗



九星在牽牛北天鼓

也一曰三武大將軍居左右二將之中也


天子旗也

旗九星在鼓旁相為旌表又河鼓星亦名

牽牛非也隋志曰河鼓三星唐天文志曰

河鼓將

天槍



三星在北斗杓東一曰天鉞天之武備


軍象也

弧星



九星在狼東南天弓也主備盜賊

天梧



五星天子先驅也忿爭禦難皆所以備非

常一星不

招搖

一星與斗相應胡來受命中國明而不正

具國兵起

則胡不

受命

天廐



東壁北十星曰天廐主

馬之官主驛亭主刻

漏與晷

刻並馳

王梁

天駟一星曰王梁策馬

車騎滿野晉志曰王良

亦曰天馬亦梁為天橋故或占車騎或津

梁道愚曰文武並用長久之道然在朝

為郎官其星十五野為郎將星止於一天

之示人至矣

民星

房星為農祥

在東七星中立春日晨星中於午為農祥占曰

百穀

農丈人

在南斗西南


天鷄

老農主穡也

主候時

以催耕

牽牛星



張騫乘槎事見河東牛郎耕河西織

女織雖未必然於世教有補况七曜起於

牽牛道陽氣以出乎介雅河鼓牽牛一星

李巡孫炎二之李曰二十八宿名孫曰河鼓在牽牛北  
犁曲九星

六星大而明餘三星  
小而暗耕時柄向上  
天田星九星

在牛星南又曰蒼  
龍左角為天田  
水府星  
在東井  
西南主

水  
羅堰星  
九星在牽牛東壅  
水潦為灌溉之渠  
四

官  
水  
羅堰星  
九星在牽牛東壅  
水潦為灌溉之渠  
四

瀆星  
江河淮  
濟之星  
斗星  
五星在  
官南主

平量仰則天下斗  
斛不平覆則歲穰  
內杵白  
七星主  
給軍糧


客星入兵起車府南三  
星曰內杵四星曰內臼  
天江  
四星不  
在尾北

具津梁關道不  
通動搖大水出  
天船  
積水  
九星一曰舟  
星以濟不通

中一星曰積水候水災亦

主水旱均明則天下安

天錢




十星如貫

錢之狀在北

在斗杓西

落門西北

天籥



主關閉

天市

隋志垣有二十二星在房星

垣




東北主權衡主聚眾市中星

眾潤則歲實稀則歲虛熒惑守之戮不忠之臣彗星守之為徙市易都帝座一星在市中天庭也光而潤天子吉威今行候一

星在帝座東北主伺陰陽官者四星在西南不欲大明則輔臣強易曰日中為市交易而退天下之民從之

人星



南五星曰人星

神農取諸噬嗑以此

主靜眾庶柔遠近一

老人星



一曰南極常以

曰卧星主防淫泆

秋分之日見于丙春分之日没于

天乳

丁見則治平主壽昌不見則兵起

元北一星曰

格澤

炎火之狀黃白起  
地下大上銳其見

天乳主甘露

景星

德星也又曰天曜  
常出有道之國生

也不耕而獲不有

土功必有大客  
於晦朔助月為明曜明也赤方氣與青方

氣相連赤方中有兩黃星青方中有一黃

星三方星

天社




與鬼之南六星曰  
天社其位坤其氣

合為景星  
未其神共工氏之子勾龍平水土故祀以

配其精

天稷星




五星在七星南稷  
農正也取乎五穀

為星

之長以

天廟



張南十五星曰天廟天  
子之祖廟也虛危為宗

廟子之氣

愚謂生民之功起於后稷力

農以配天則景星見而甘露降天象昭昭

豈不信乎

邵子曰星為晝要義曰日夜分謂晝夜刻漏

馬氏曰晝五十刻夜五十刻據日出日入

爲限蔡邕云星見于夜日入後三刻日出  
前三刻皆屬晝晝有五十六刻夜有四十  
四刻鄭云日中星以爲日見之漏五十五  
刻不見之漏四十五刻與蔡校一刻愚按  
邵子以離爲星星爲晝辰爲夜日出則星  
沒日沒則星出皆人所共覩故古今以此  
定晝夜也

星變五緯行度與七政互相表裏分布四方用  
告禍福故曰彛倫失敘則星辰亂行

張歐

歲星一日行十二分度之一十二歲而周  
天熒惑日行三十三分度之一三十三歲  
而周天鎮星日行二十八分度之一二十  
八歲而周天太白日行八分度之一八歲  
而周天辰星日行一度一歲而周天是五  
緯所行之度數與二十八宿共爲天體一  
有差舛則在天爲水旱在人爲殃咎在國  
爲興亡人能修德以禳之則庶乎獲免不

然積毫芒而成尋丈可不  
畏哉今略具星變于後云  
**彗星之變**

公羊傳曰有星孛于大辰者彗也何休曰  
邪亂之氣掃故置新之象緯書曰其形長  
丈彗有五色色蒼侯王破赤強國恣白兵  
大作愚嘗詳攷其變矣魯文公時彗在北  
斗後楚以夷狄深入諸夏春秋齊侯禳彗  
晏子曰不可是天教民民將流亡始皇十  
五年間彗四見長或竟天遂兼六國攘四

夷死人如麻漢元光五年七月彗東入太  
微至幸臣五十餘日致中常侍趙忠姦亂  
之應漢哀建平二年三月彗出牽牛七十  
餘日卒貽王莽篡國之禍宋景定甲子彗  
出柳宿律中蕤賓爲鷄火之次妖燄貫于  
半天七十餘日惟秘書郎文䟽曰彗犯柳  
宿著見尤異政塗宥府此端門次輔之星  
今以孔光崔烈而變爲彗甘泉法從此文  
昌華蓋之星今以元稹貢禹而變爲彗給



舍臺諫司過之星今以鳴鳳化寒蟬仗馬  
喂芻豆而變為彗又有大彗者在焉為商  
君相業而尚功利為介甫擅權而謂天變  
不足畏切中時病矣惜言未及  
行不及十稔國隨以滅悲夫  
蚩尤為

### 旗之變

類彗後曲象旗黃上白下熒  
惑之精見則王者征伐四方

### 天狗墮地之變

狀如大流星有聲如  
雷望如火光炎炎中

天墜地類狗其下圜如數頃田處上  
銳千里破軍殺將孟曰亦太白之精  
太

### 白經天數有盈縮之變

盈縮者  
日方南

太白居南日方北太白居北為贏侯王不  
寧用兵進吉退凶日方南太白居北日方  
北太白居南為縮侯王有憂用兵退吉進  
凶又太白在南歲星在北名曰牝牡年穀  
大熟當出不出當入不入不破國必亡國

經天者日陽也日出則星亡晝見午上  
為經天與日爭明是為亂紀天下革民  
更主人民流亡強者弱小者強女主昌  
莽地皇時在太微中燭地如月光太微  
天子庭也是年大兵入天子庭至漸臺  
斬莽首愚曰是二星者不必遠引庚午  
秋天狗星墜未幾大將殂己丑夏太白  
經天明年白波浪起并前甲子彗三大  
異星予年七十皆目所親覩故特書之

太白金兵熒惑主內亂月主刑

其變有二

三者失度有亂臣賊  
子伏尸流血之兵

枉矢

星之變

物莫直於矢直而枉操矢者邪  
人也昔項羽救鉅鹿枉矢西流

遂阮秦屠咸

陽以亂伐亂

星聚為崇之變

水木火  
三合東

井占曰外有兵與喪五星入輿鬼木火金

合虛如連珠皆爲死喪三星在斗戮將死  
相火金水三星合軫金水合於東井皆爲  
白衣之會漢文帝時天子四衣白衣臨邸  
第者此也唐天寶中五星聚箕尾占曰有  
德慶無德殃至德中木火金水聚鶉首從  
歲星也木火陽主中邦金水陰主外邦陰  
與陽合中外相連以兵以此見  
五星之聚有吉有凶不可拘一  
流星之

變

漢元延中日晡時有流星頭大如缶  
長十餘丈赤白從日下東南去或大  
如盂或如雞子耀耀如雨下至昏止其占  
爲天子失勢後王莽篡國建武中小流星  
百枚以上或西南東北四面行其占爲小  
民流徙後應征公孫述民流流星大如杯  
從織女西行後光烈皇后崩流星出文昌  
將相色白光燭地長可四丈搖如龍蛇形  
已而王商自殺晉志曰天使也星大者使

大小者使小自上而下曰流自下而升曰  
飛大曰奔亦流也聲隆隆者怒之象小星  
流者庶民之象大如月者人主之象天星  
盡搖民勞之象  
**附耳星之變**  
西畢大星旁小星附耳搖動有  
讒亂  
**天讒星之變**  
又曰卷舌六星在  
北主口舌以知佞  
讒卷舌上一  
**欖槍棊星之變**  
四星狀  
異殃一  
星曰天讒

破國危君餘殃  
為旱凶饑暴疾  
**熒惑之精為變**  
隋大業末  
熒惑逆行入南斗色赤如血光芒震耀長  
七八尺後楊玄感反天下大亂唐長壽中  
熒惑犯五諸侯渾儀尚獻甫奏臣命在金  
五諸侯太史位火克金臣將死矣武后曰  
為禳之遷水衡都尉水生金又去太史位  
卿無憂矣是  
**太白之精為變**  
六賊星  
太白之  
秋獻甫奔

精也出正南去地可六丈大而赤形如彗

芒九角天狗亦星長三丈餘出北

太白也主兵斗魁南抵軒轅而

滅占曰咸漢星填之

有赦精也出正北

去地可六丈大而赤中青青中赤表下有

三彗從橫又名五殘星出正東狀類辰去

地可六丈九游星東有大

大而黃星曰狼變色則

### 狼角之變

星曰狼變色則

### 填星之精為變

咸漢星填之

### 赦星

星長三丈餘出北

多盜

### 貫索

賤人之牢也又曰連索連營

煩七星明大

### 歸邪之變

如星非星

赦動斧鑕用

歸蛇出必有歸國者其占亦有吉凶已上

並天文志所載

### 星變關時否泰

星一也其形其色其常其變其時其分各有取舍其占不同惟嚴子陵足以當客星

之占陳仲弓足以應德星之聚宿騎箕尾  
而傳說生星隕中營而葛亮死吉人君子  
未嘗不與天象相關也客星又有變者形  
大如瓜色有青白者不爲大水則爲大飢  
氣白起天苑西南者則牛馬死傷又何其  
不祥也春秋時彗三見夜常星不見夜中  
星隕如雨殺君三十六亡國二十五諸侯  
奔走不保社稷者不可勝數傳曰夜有星  
無雲而天雨者謂之天泣其故何也蓋不

忍君子小人之倒植而痛蒼生之懼其禍  
也天象豈虛應哉是以古之隱德之士所  
以夜觀天象晝察人事而爲之隱憂也  
易曰天道虧盈而益謙地道變盈而流謙鬼  
神害盈而福謙人道惡盈而好謙

歐陽子曰此聖人極論天人之際也春秋  
雖書日食星變孔子未嘗道其所以然曰  
天地鬼神不可知爲其可知者人而已日  
中必昃盛衰必復天吾不知吾見其虧盈

於物者矣草木之成者變而衰落之物之  
下者進而流行之地吾不知吾見其變流  
於物者矣人之貪滿者多禍其守約者多  
福鬼神吾不知吾見人之禍福者矣天地  
鬼神不可知其心則因其著於物以測之  
故據其迹之可見者以爲言曰虧盈曰變  
流曰禍福若人則可知者故直言其情曰  
好惡其知與不知異辭也參而會之與人  
無以異也以其不可知故常尊而遠之以

其與人無以異則修吾人事而已未有人  
心說而天意怒未有人理逆而天道順者  
嗚呼聖人沒異端起秦漢以來學者惑於  
災異久矣天文五行之說不勝其繁也予  
之所述不得不異乎春秋也歐公以人之  
可知者一對天地鬼神之不可知者三一  
者盡則三者在其中君子何如哉脩身俟  
命而已

少陰

春秋傳晉侯問伯瑕曰何謂辰對曰日月之會是謂辰辰時也愚謂自十一月至十月子至亥也言日月聚會有時故以辰言之在天爲二十八宿舉目可見故以星言之但其流行於四時八節有氣無形散布於太空似有形而無可執者皆辰爲之也

邵子曰辰是那天上星分爲十二段辰即十二辰天壤也

日月星辰自是四件此說辰者謂一辰各有幾度謂如日月宿於角幾度即所宿處是辰故曰日月所會謂之辰爲相氏曰若指星體而言謂之星日月會於其星則名宿名辰名次名房名舍若不據會宿則指星體而言星也尚書精義曰天極謂之北辰五緯有辰星又有十二次曰辰附虛谷云邵子以十二次日月五星所舍斗柄所指之辰爲少陰恐涉牽強魯齋荅云邵子



玩心神明窮極造化以十二辰布列於天  
是爲天體蓋以周天之星二十有八而星  
之辰十有二辰之度三十有奇而十二辰  
之度三百六十五有奇星辰循天左旋日  
月五星遡天右轉日陽也舒而遲故一期  
而周天月陰也蹙而速故一月而周天日  
月會於辰則爲月十有二會於辰則爲歲  
三百六十有六日皆此辰度數之周而得  
之也邵子以辰之一象而目曰少陰以其

在地爲土水火石附焉在天爲辰日月星  
麗焉渾渾於太虛中爲無物之氣而不可  
見者以其陰移潛運而無迹可求也名之  
曰天壤豈無自而然哉斯無疑矣  
又曰辰數十二日月交會謂之辰辰天之體  
也無物之氣也

張氏曰辰十二從地數也無物之氣不可  
見因日月之會而見以不可見故爲陰天  
之陰者天之體天之所以立也從地數者

天之地也

又曰陰中之陰辰也天壤也氣一而已主之者乾也

辰者無物之氣天之體故曰天壤辰之於天是也辰者天之體土者地之體辰者無物之氣不可見以星觀焉知其廓然太虛能容物也土者有形之物可見以山觀焉益知其能負物也土為大物辰為太虛日月星辰託焉辰雖不可見天晝夜常見故

不用之一用之所宗也

又曰辰至日為生日至辰為用蓋順為生而逆為用

辰至日者言天左行為順布氣生物日至辰者言日右行為逆變氣用時故時可逆推物必順成子雲曰巡乘六甲與斗相逢言天日之相應也

又曰星為日餘辰為月餘

日為陽精天之靈魂月為陰精天之氣魄

星爲陽之餘精辰爲陰之餘氣故星者天之神辰者天之體日月在天如人之真心命門陰陽之本也五星如人五臟諸星如人支骸精血辰之於天則人之體魄是也又曰天有日月星辰與天爲五地有五行金木水火與地爲五辰陽中陰不可變故一日十二辰不可見也

辰者天之體辰之於天猶土之於地天主用有神焉辰不可以盡天非若土即可以

盡地辰之外別名天土即所以爲地也漢上曰月生於日之所照衆星被耀因水轉光三辰同形陰陽相配其體則辰也

又曰天以一而變四四者有體而一者無體張氏曰日月星辰以成天體四成則太極之體退藏於四者之閒而不可見所以日月星辰與天而五除日月星辰則無天四者有體所以成形一者無體退藏於密言五者必歸之天言十者必歸之地五當無

極十當爲有之極亦曰除一而無四也此按  
句與上句意不屬文無四天之體數四不  
二字不可解恐無字誤用者一天辰不見者辰爲天體而不可見  
也其色蒼蒼其形渾渾四者之中惟日月  
星燦然可見是知五者存一以爲體故用  
四四又存一以爲體故用三如此則五爲  
無體之一以况自然辰爲不用之一以况  
道太玄以一元統三方曰天地人亦此意  
也一時止三月一月止三十日皆去其辰

數一時本四月也止用三一月本四十日  
也止用三十皆去其辰之一三用一不用  
天有三辰地有四行天三地四天兼地之  
餘分而用七所以天辰不見地火常潛

朱子曰空無星處謂之辰

愚按易係言天數五邵子言天象者四四  
自何來本於一陰一陽而已一陽分爲二  
則有太陽少陽之象是爲日星一陰分爲  
二則有太陰少陰之象是爲月辰日月星

辰所以爲天之四象缺一不可今邵子既  
謂辰爲天體朱子又謂辰是無星處而不  
動如此則一辰而分兩用既爲少陰又爲  
天體可乎曰非也天數本有五一爲無極  
四爲四象四象之中又體一而用三少陰  
反爲體而日月星所由麗也其曰辰空無  
星者辰本渾淪無跡不可窺度是爲體之  
極聖人因其日月所會之處而以辰名之  
爾故無體之中無象不包其不動而在北

爲極星之樞者則曰北辰然則少陰爲辰  
固爲天體而北辰居天體之中又爲十有  
二辰之主也故以辰辨方曰十二次以辰  
兼星土曰十二野以辰兼十二子十二歲  
十有二月係焉皆辰也舉宇宙之間洪纖  
高下莫不各圍於其中矣詳見下篇

天樞

維北有辰爲紐爲樞居中不動旋斗杓於  
外以建四時齊七政也西志曰中宮天極

星其一明者太一之常居也愚謂一者氣數之始物無不統常居者居中不動之義也東志曰北辰星合元垂曜建帝形運機授度張百精三階九列斗衡太微攝提之屬百二十官二十八宿各布列下應十二子天地設位星辰之象備矣愚謂曰合曰垂曰建曰運曰授曰張曰屬曰布與應九字爾最宜玩味蓋言辰極無不包括天地星辰之象於其中故曰備矣舍爲元氣散

爲星曜張爲百精建爲斗衡班固曰攝提直斗杓所指以建時節故亦曰天樞焉二十八宿即布列於十二辰者十二辰即統於北辰者故曰居其所而衆星共之爾雅疏謂斗杓所建以正四時故謂之辰北辰即總十二辰在其中斗杓即指十二辰者傳記多言北斗不言北辰者以辰居中無爲藏諸用也故無迹可指可言者斗杓所建而已其言北斗則北辰可知

程子曰北辰自是不動便爲氣之主爲星之最尊也故衆星四面環繞而歸向之

愚嘗參酌先師之論而得其說曰北辰不動爲天之樞朱子曰緣人取此爲極不可無箇記認所以就其旁取一小星謂之極星問極星動不動曰也動只是他近那辰處雖動不覺今以管窺極星見其動去只在管裏面不動出去向來人說北極不動至宋時人方推得是北極只在北辰邊頭

而極星依舊動舊說皆以紐星即天極在正北爲天心不動今驗天極亦晝夜運轉其不移處乃在天極星內一度有半故渾象杠轂正中置之不動以象天心也愚按北極五星在紫微垣中北頭一星在天心四方去各九十一度九十一度者四九三百六十五度四分度之一四方輻湊將來辰星居中即北頭一星之內無星處是也衆星咸共者北辰在天爲天之心猶心在

人爲身之主手足耳目血脉膚體無一不  
關也世無非人也而人君南面以爲之主  
天體無非辰也北辰居中以爲之主以至  
周天之度萬有之夥莫不脉絡於是是則  
不動之辰以爲群動之本故曰無形者有  
形之統不用之一即無極之極降而在我  
者也嗚呼精矣

朱子曰北極爲天之樞以其居中故曰北極  
南極在地下中處南北相對天雖轉他却

中不動天形如鷄子旋轉極如一物橫亘其  
中兩頭桴定一頭在北上是爲北極一頭在  
南下是爲南極太一如帝座在紫微者故有  
北辰之號是中間無星處些子不動緣人要  
取此爲極如輪之轂如磴之臍天圓繞地左  
旋不息惟此其樞軸不動之處則在南北之  
兩端焉

南極低入地下三十六度故周回七十二  
度之中常隱不見唐書說有人至海上見



南極下有數大星甚明亦在七十二度之內北極高出地上三十六度故周回七十二度常見不隱北極之星正在常見不隱星隨天左旋日月爲緯右轉更迭隱見若環繞而歸向之唐一行謂大約南北相去八萬餘里南林邑國北極高十七度安南都護府北極高二十一度其餘州不同太史南宮說等至海中南望老人星下衆星

燦然皆古所未名或問南極見老人壽星則是南極也解見朱子荅曰南極不見是南邊自有一箇老人星南極高時解浮得起來

太一是帝坐如人主之居北極如帝都在紫微者在七十二度常見不隱之中故有北辰之號

前志言天極其一明者太一常居太一天皇大帝北辰以起節度亦爲紫微宮天帝

居中紫之言此中之言宮此宮之中天神  
圖法陰陽開闔皆在其中朱漢上曰辰爲  
天樞而不動之處猶在極星之下聖人言  
居其所曰北辰而占天者必曰極星之下  
者詳略異也

或問北辰之爲天樞何也曰天圓而動包乎  
地外地方而靜處乎天中故天之形半覆地  
上半繞地下而左旋不息惟此爲不動而謂  
之樞焉其他諸星則與二十八宿同一運行

朱子曰北辰常居其所蓋天形運轉晝夜  
不息而此爲之樞如輪之轂如磴之臍雖  
欲動而不可得非有意於不動也若太微  
之在翼天市之在尾攝提之在元其南距  
赤道也皆近其北距天極也皆遠則固不  
容於不動而不免與二十八宿同其運行  
也故其或東或西或隱或見各有度數仰  
而觀之蓋無晷刻之或停也今日是與在  
紫微者皆居其所而爲不動者四則是一

天而四樞一輪而四轂一磴而四臍也分寸一移則其輻裂而瓦碎也無日矣若之何而能為運轉之無窮哉胡五峯說有三箇極星不動殊不可曉若以天運譬如極盤則極星只是中間帶子所以不動若是三箇不動則不可轉矣

寧按已上註文係朱子所作北辰辨自朱子曰起至非有意於不動也四十五字原本誤入前章註下在朱漢上曰之

前而此章註文只從若太微之在翼起觀者不知其故却似無頭底文字今依朱子文集移前章註文四十五字置於此章註文之首意義方屬

西山蔡氏問曰極星只在天中東西南北皆取正於極而極星皆在其上何也朱子無以荅後思之曰只是背坐極星極星便是北而南則無定位

公羊傳曰北辰曰大辰常居其所迷惑不

知東西者視此。永嘉鄭氏曰：北極居天之中，而常在入北，以天形北傾也。或曰：斗杓可指東西，而辰則無爲。曰：觀其所指，則知辰之所在。書傳曰：日月天之使也。星辰天之期也。一左一右，更有經緯，蓋自斗杓之所加言之，則謂之建。自日月之所會言之，則謂之辰。斗柄左移，日月右徙，故辰與建常相合。焉？月行及日會而爲辰。辰本無體，兼星而見，故天正之吉辰在星紀，自此而

西則地正之於天，玄龜人正之於豕韋，而西陸之降婁、大梁、實沈、南陸之鶉首、鶉火、鶉尾、東陸之壽星、大火、析木，其朔月可知也。春秋外傳所謂日月底于天廡者，言建寅之月辰在諏，訾建亥之月辰在天漢，日月會于龍，猶蓋因朔月之所在以知辰。因辰之所合以知斗之建。焉？愚按：斗杓與北辰相脈絡，北辰爲十二辰之統，斗杓則指十二辰者也。又公羊傳謂大火爲大辰，此

則夾鍾生於房心之氣為天帝之明堂亦  
曰天宮非北辰之大辰比也如正月建寅  
辰在東北日月却在西北之亥氣便相應  
者以寅與亥合也日月都是如此斗每月  
所指辰曰建斗第一星為魁五為衡七為  
杓用昏建者杓屬陰夜半建曰衡居平旦  
建者魁屬陽曆家以建除滿平定執破危  
成收開閉凡十二日周而復始觀所值以  
定吉凶每交一月節必疊兩值日如正月

寅日值建二卯三辰之類與斗杓所指相  
應

易傳曰大衍之數五十其用四十有九一者

太極也漢馬季長云易有太極謂北辰也太

四時生五行生十二月中二月十二

或難之曰如此則太極有北辰之可指

周子無極而太極恐無此愚應之曰太極

無聲無臭是至微之中而有至顯之理北

辰至中至極是有象之中而寓至微之理

體用一原顯微無間故北辰居中不動而

能生兩儀日月四時五行十二月中二十四

氣也太極靜極而動而能生兩儀四象八

象夫子之太極夫子之太極本無象而象  
天之北辰北辰為氣之宗而理行其中太  
極為理之宗而氣行其中是或一道也○  
已上馬季長之言及魯齋注文俱合刪今  
辨存之而左

寧按太極二字孔子始於易係辭發之  
自後千五百年無人識得破直至濂溪  
周子始契其妙而建圖作書以明之魯  
齋亦嘗言之於太極之篇矣今於天樞  
篇復引馬季長之說則其理有未然者  
蓋太極者一理渾然無形象方所之可

指而為造化之樞紐者也北辰者居中  
不動而為天之樞紐者也此則無方所  
之可求彼則居其中而不動又豈可真  
以相儼乎周子所謂無極而太極是言  
無形而有理也其曰太極動而生陽靜  
而生陰兩儀所以立也其曰陽變陰合  
而生水火木金土五行所以具也在天  
成象曰日月星辰在地成形曰水火土  
石莫非五行之所為也五者之氣流行

順布由是四時行百物生焉今日太極  
生兩儀則聖人已言之矣又曰兩儀生  
日月日月生四時四時生五行五行生  
十二月又何其悖於理乎夫天地之化  
儻侗相續而來一年一周聖人因其有  
生長收藏之序而分之爲四時又分爲  
十二月二十四氣七十二候使民知播  
種收穫之節又教之以鋤耘灌溉之宜  
便是聖人裁成輔相之道由是觀之太

極生陰陽陰陽生五行五行生萬物是  
天地造化之自然不涉纖毫人力至於  
一歲分四時四時分十二月又分二十  
四氣七十二候乃聖人因造化之流行  
而裁制之使民用天時因地利而有以  
成其生遂之功此二事一屬天一屬人  
甚顯然易見豈可比而同之乎魯齋博  
極群書馳騁上下其所得固多矣而於  
此乃取馬季長之謬說而敷演之是未

免碻碻之混美玉也惜哉又按程子謂體用一原顯

微無間是說理與象魯齋謂至微之中有至顯之理却差說了


邵子曰天渾渾於上而不可測也故觀斗數以占天斗之所建天之行也魁建子杓建寅星以寅為晝也斗有七星是以晝夜不過七分

張氏曰星以寅為晝者中星以寅為旦戌為昏日以卯酉為中則十二分而用七星以寅戌為限則十分而用七矣愚演之曰

天道左旋以辰為體無物之氣不可見已渾渾之中惟星可指日月五星從地右行斗杓所建四時以平大衍五十一為太極四十有九是為七七分而用之各有所入一為天體一為七政一居中央是為北斗四列四方是為七宿蓋天地四方以斗為樞天運四時自斗而指斗正則時正時正則斗正故曆有差法斗無差度善治曆者質諸斗而已矣



北斗七星在太微北魁四星為璇璣杓三星為玉衡斗人君之象號今之主也輔星傳乎開陽第八星佐斗成功丞相象也晉志



一至四為魁五至七為杓一曰天樞二曰璇三曰璣四曰權五曰玉衡六曰開陽七曰搖光樞為天天子象陽德也璇為地女主象陰刑也璣為人曰今星主火權為時曰伐星主水玉衡為音曰殺星主土開陽為律曰危星主木主天倉五穀

搖光為星亦曰應星主金輔一星傳乎開陽所以佐斗成功主危正矯不平或問曰斗有七星并輔星為八星家又謂斗有九星主九州何耶或又謂天官書言孟詵攝提攝提者星名隨斗杓所指以建十二月以此星而足為九可乎曰此無明證不可從也張平子妙於知天言北斗與四宮星共為五七則七星為斗確乎不可增也瞽史之學易流於誕吾儒寧闕疑可也歐陽

子曰天人之際遠矣使一藝之士布筭積  
分舍經從史以求合焉不亦艱哉

天官書曰所謂璇璣玉衡以齊七政杓攜龍  
角衡殷南斗魁枕參首前志曰用昏建者杓  
杓自華以西南夜半建者衡衡殷中州河濟  
之間旦建者魁魁海岱以東北也

携連也龍角天田也東七宿共爲龍形殷  
中也玉衡居南北之斗相殷也杓斗之  
尾星第七也尾爲陰昏陰位故主西南衡

星居中昏杓建於寅夜半衡亦建於寅也  
魁斗之首星屬陽故主東北所以斗杓連  
東方龍角之星

要義曰斗所建地上辰辰所會天上次斗與  
辰合

按斗柄所建十二辰而左旋日體十二月  
與月合宿而右轉但斗之所建建在地上  
十二辰故言子丑之等辰者日月之會會  
在天上十二次故言諏訾降婁之等以十


二律是候氣之管聲之陰陽各有合如黃鐘十一月建子合大呂十二月建丑之類是斗與辰合宿而成日月之會斗星亦隨天運轉

孔氏曰斗星一日一夜亦隨天轉過一周而行天一度聖王觀斗所建命其四時以分十二月之會

詩曰維北有斗西柄之揭朱子曰北斗常見不隱者也南斗柄固指西若北斗而西柄則

亦秋時也


董氏曰斗四星其方爲斗三星爲柄垂而下揭斗隨天旋轉四時各有畛界故春秋傳曰斗有環域是也李子堅曰北斗爲天喉舌斟酌元氣運平四時太玄亦曰陰質北斗夜則測陰言陰夜質正於北斗以曆日月定時成歲也又北極與南極相對是爲樞星南隱北見人多舉其見者言之以其居天之中故也北斗之星七其數奇對



南斗之星六其數偶是天亦如此巧也斗

註文已見少陽篇

天原發微卷之三上終



貴州省立圖書館

